



Financuar nga  
Bashkimi Evropian



With funding from  
Austrian  
Development  
Cooperation



## THIRRJE PËR APLIKIM NË KUADËR TË FONDIT TË GRAVE TË KOSOVËS

Publikuar më: 11 maj 2021

Afati i fundit për aplikim: 8 qershor 2021

### PËRSHKRIMI I PROGRAMIT

Rrjeti i Grave të Kosovës (RrGK) ka kënaqësinë të publikojë raundin e 15 të granteve në kuadër të Fondit të Grave të Kosovës (FGK). Ftojmë organizatat tona anëtare të aplikojnë me projekte të cilat do të **kontribuojnë në avancimin e të drejtave të grave dhe vajzave dhe barazisë gjinore në Kosovë**.

Më konkretisht, **aplikacionet** duhet të demonstrojnë se si organizatat propozojnë të kontribuojnë në realizimin e Strategjisë dhe objektivave të saj të identifikuara nga anëtarët e RrGK-së, në kuadër të [Strategjisë së RrGK-së për periudhën 2019-2022](#), duke avokuar për **përkrahjen, mbrojtjen dhe promovimin e të drejtave dhe interesave të grave dhe vajzave**, të cilat promovojnë të drejtat e njeriut dhe synojnë të sjellin ndryshime afatgjata.

**RrGK inkurajon fuqishëm të ndërmerren iniciativa avokuese në nivel lokal dhe qëndror.** Avokimi mund të përfshijë takime me zyrtarë të institucioneve, ngritjen e vetëdijes për të drejtat e njeriut, hulumtim të politikave, propozime për ndryshimin e politikave dhe inkurajimin e qytetarëve për t'i mbrojtur të drejtat e tyre. Këto iniciativa duhet të kontribuojnë në arritjen e rezultateve të rëndësishme (p.sh., legjislacion i ri, shërbime të reja, raporte mbi rastet e dhunës me bazë gjinore, raste të monitoruara në gjykata, etj.). Ju lutemi keni parasysh që aktivitetet e ndërmarra nuk konsiderohen si rezultate të arritura të projektit.

**Llojet e aktiviteteve që do të merren parasysh** për përkrahje financiare përfshijnë: organizimin e takimeve me gra dhe persona në pozita vendimmarrëse, organizimin e fushatave për vetëdijesim dhe avokim, ngritjen e kapaciteteve të grave dhe vajzave që të avokojnë për prioritetet e tyre, përkrahja e grave dhe vajzave në takime me politik-bërës për të influencuar ndryshime në ligjet ekzistuese dhe rregulloret që kanë të bëjnë me shqetësimet e tyre, hulumtime të orientuara drejt politikave, hulumtime të orientuara drejt avokimit, marrëdhëniet me publikun mbi çështjet avokuese, rrjetëzimin/shkëmbimin e përvojave me qëllim të rritjes së pjesëmarrjes së grave dhe vajzave dhe avancimin e të drejtave të tyre si e drejtë e njeriut, trajnime, tryeza të rrumbullakëta/diskutime dhe strategji të tjera avokuese.

**Llojet e aktiviteteve që nuk do të merren parasysh** përfshijnë: aktivitetet që lidhen pjesërisht ose plotësisht me sponsorizime individuale për pjesëmarrje në punëtori, seminare, konferenca dhe kongrese; veprimet që lidhen pjesërisht ose plotësisht me bursa individuale për studime ose kurse trajnimi; blerja e patundshmërive; blerja e automjeteve; blerja e pajisjeve (përveç nëse është e nevojshme për zbatimin e suksesshëm të projektit); veprimet që përkrahin partitë, grupet dhe lëvizjet politike.

Zbatuar nga:



Më tej, në pajtueshmëri me [Strategjinë e RrGK për vitet 2019-2022](#), llojet e iniciativave të cilave do t'u jepet prioritet për financim do të përfshijnë:

### **Fuqizimi i lëvizjes feministe në Kosovë**

- Ngritja e kapaciteteve dhe përfshirja e të rinjve (vajzave dhe djemve) në avokimin për të drejtat e grave dhe vajzave për çështje specifike;
- Mobilizimi i personave me aftësi të kufizuara, pensionerëve, personave nga grupet etnike të minoriteteve (në kuadër të komunës së tyre) dhe grave dhe vajzave nga vendet rurale që të avokojnë për të drejtat e tyre lidhur me një çështje të caktuar;
- Bashkëpunimi me organizatat anëtare tjera, që ato të ndajnë njohuritë e tyre mes veti dhe njëkohësisht të ngrisin kapacitetet e anëtareve të tjera të Rrjetit; si dhe të rrisin solidaritetin në mes të organizatave të grave dhe vajzave;
- Konsultimi i raportit hulumtues të RrGK, [Ku janë paratë për të Drejtat e Grave?](#) dhe të dhëna të tjera në dispozicion për të informuar avokimin dhe ngritjen e vetëdijes për të drejtat e grave për çështje specifike.

### **Gratë në politikë dhe vendimmarrje**

- Përfshirja e grave dhe vajzave në identifikimin e çështjeve prioritare të barazisë gjinore në komunat e tyre dhe përfshirja e tyre në avokimin direkt tek zyrtarët relevant për të adresuar këto çështje;
- Përfshirja e grave dhe vajzave në shqyrtimin e draft-dokumenteve të politikave në nivel lokal apo qendror, si dhe dhënia e kontributit të tyre (p.sh., dokumentet me buxhete, rregulloret e reja komunale, etj.). Kjo iniciativë përfshinë edhe marrëveshje paraprake me institucionet me të cilat do të punohet;
- Mbështetja e grave dhe vajzave në adresimin e interesave të tyre në lidhje me procesin e antarësimit në Bashkimin Evropian (BE), të cilat mund të përfshijnë, por jo domosdoshmërisht të kufizohen në: të avokohet tek BE për të ngritur çështjet me rëndësi për gratë si pjesë e dialogjeve politike me Qeverinë e Kosovës të ndërlidhura me procesin e antarësimit në BE; të avokohet që programet e Instrumentit të Para-Anëtarësimit në BE të përkrahin dhe adresojnë më mirë nevojat e grave, veçanërisht në nivel lokal; të monitorohet zbatimi i programeve të përkrahura nga BE në nivel lokal, duke siguruar që ato të kontribuojnë në barazinë gjinore dhe përfshirjen e grave në mënyrë të duhur; dhe/ose përfshirja e më shumë grave dhe burrave nga komuniteti për të kuptuar, përfshirë dhe/ose monitoruar reformat lidhur me antarësimin në BE në nivel lokal.

### **Të drejtat e grave në kujdesin shëndetësor**

- Përfshirja e grave në avokim për të pasur qasje në kujdes më të mirë shëndetësor, si dhe marrjen e masave për të kërkuar kujdes shëndetësor cilësor, ofrimi i kushteve të volitshme për të pasur një sigurim shëndetësor, dhe raportimi i shkeljeve të të drejtave të grave në kujdesin shëndetësor cilësor;
- Bashkëpunimi i grave për t'i vetëdijesuar gratë dhe vajzat për të drejtat e tyre në kujdesin shëndetësor (sidomos për shëndetin riprodhues dhe shëndetin e nënave) dhe bashkëpunimi i tyre për t'i raportuar abuzimet në mënyrë zyrtare tek autoritetet përkatëse;
- Konsultimi i raportit hulumtues të RrGK-së, [Qasja në kujdesin shëndetësor në Kosovë](#) dhe të dhënave të tjera në dispozicion mbi qasjen e grave në kujdes cilësor shëndetësor në mënyrë që të përdoret për të kontribuar në avokim dhe ngritjen e vetëdijes.

### **Jeta pa dhunë me bazë gjinore**

- Avokimi tek institucionet përkatëse për personat të cilët kanë përjetuar dhunë me bazë gjinore (p.sh., dhuna në familje, ngacmimet seksuale, ose dhunë seksuale gjatë luftës) të marrin shërbime më të mira;

- Avokim për ofrimin e shërbimeve më të mira për rehabilitim dhe ri-integrim të personave që kanë përjetuar dhunë;
- Monitorimi i rasteve gjyqësore lidhur me dhunën në familje dhe raportimi i zbatimit jo korrekt të ligjeve nga ana e gjykatave, si dhe avokimi tek institucionet përkatëse për të adresuar këto çështje;
- Mbështetja e grave dhe vajzave që kanë përjetuar ngacmim seksual në punë, në shkollë, apo në rrugë duke ju dhënë këshilla ligjore, duke i udhëzuar tek institucionet e duhura dhe duke i adresuar këto raste në institucionet përkatëse. Iniciativa mund të përfshijë gjithashtu edhe informimin e qytetarëve për të drejtat e tyre lidhur me trajtimin e ngacmimeve seksuale;
- Organizimi i fushatave për ndërgjegjësimin e grave, burrave dhe institucioneve për kornizën ligjore dhe mekanizmat kundër dhunës (në familje) dhe ngacmimeve seksuale;
- Konsultimi i raporteve hulumtuese të RrGK, sikurse raporti [Nga Ligjet në Vepra?](#) i publikuar në vitin 2021 i cili ka për qëllim monitorimin e reagimit institucional ndaj dhunës me bazë gjinore në Kosovë, dhe raporti [Ngacmimi Seksual në Kosovë](#) i publikuar në vitin 2016 që ka për synim zbatimin e kornizës përkatëse ligjore nga ana e institucioneve publike përgjegjëse, me qëllim të informimit të avokatisë që i bën institucionet individuale të përgjegjshme dhe përmirëson qasjen e tyre në adresimin e të gjitha formave të dhunës me bazë gjinore;
- Bashkëpunimi me institucionet vendore dhe bizneset për të krijuar mekanizma për adresimin e ngacmimeve seksuale;
- Mbështetja ligjore dhe psikosociale për gratë që kanë përjetuar dhunë seksuale gjatë luftës që të avokojnë për të drejtat e tyre në bazë të kornizës ligjore dhe / ose mbrojtjen e ndryshimeve në kornizën ligjore për të adresuar më mirë nevojat e tyre.

### **Fuqizimi ekonomik i grave**

- Avokimi tek autoritetet komunale ose qendrore për politikat të cilat inkurajojnë dhe mbështesin fuqizimin ekonomik të grave (p.sh., më shumë subvencione bujqësore për gratë dhe burrat, ndarje të barabartë të granteve qeveritare për zhvillimin e bizneseve për gratë dhe burrat, hapja e më shumë çerdheve publike për kujdesin e fëmijëve që do të sigurojnë vende pune për gratë dhe do t'iu mundësojë grave që të punojnë);
- Puna me Qendrat Rajonale të Punësimit për të inkurajuar ata të mbështesin më shumë gra që të punësohen;
- Përmirësimi i perspektivës gjinore mbi reformat në lidhje me procesin e pranimit në BE në lidhje me punësimin e grave;
- Pjesëmarrja në punëtori mbi ngritjen e kapaciteteve dhe mentorime të përshtatura nga RrGK për të fituar njohuri të reja mbi politikat e mira për familjen dhe përdorimi i tyre për të mbështetur punëdhënësit lokalë në krijimin e politikave të mira për familjen, edukimin e punonjësve për përfitimet e politikave të tilla, si dhe avokimi për politika të tjera të mira për familjen në nivelin komunal dhe / ose monitorimi i zbatimit të këtyre politikave;
- Mbështetja e zbatimit të politikave të mira ndaj familjes nga punëdhënësit që janë zotuar për krijimin e tyre;
- Edukimi i punonjësve për përfitimet e politikave të tilla;
- Avokimi për politika të tjera të mira për familjen në nivelin komunal;
- Monitorimi i zbatimit të politikave të tilla.

### **Përmirësimi i qasjes në edukim cilësor dhe të ndjeshëm gjinor**

- Avokimi në nivel lokal dhe qendror për ngritjen e vetëdijes së zyrtarëve për nevojën e më shumë qendrave parashkollore dhe qendrave të kujdesit për fëmijë;
- Avokimi për përmirësimin e edukimit seksual në shkollë, dhe/ose në bashkëpunim me Ministrinë e Arsimit Shkencës, Teknologjisë dhe Inovacionit (MASHTI); si dhe monitorimi i institucioneve parashkollore dhe qendrave të kujdesit ditor lidhur me cilësinë e arsimit të

ofruar në përputhje me legjislacionin e arsimit parashkollor, si dhe avokimi i përfshirjes së mësimdhënies drejt transformimit të normave tradicionale gjinore;

- Bashkëpunimi me MASHTI për rishikimin dhe përmirësimin e kurrikulave në shkolla në nivel tjetër nga një perspektivë gjinore drejt transformimit të normave gjinore.

## NDARJA E GRANTEVE

Grantet të cilat do të ndahen në këtë raund do të marrin mbështetje nga iniciativat e RrGK mbështetur nga këta donatorë:

- Zyra e Bashkimit Evropian në Kosovë – "Fuqizimi i pjesëmarrjes së grave në politikë" në vlerë prej 90,000€;
- Agjencia Austriake për Zhvillim (ADA) – "Avancimi i iniciativës për të drejtat e grave II" bashkëfinancuar nga Agjencia Suedeze për Bashkëpunim dhe Zhvillim Ndërkombëtar (Sida) në vlerë prej 50,000€;
- Fondi i Popullsisë i Kombeve të Bashkuara (UNFPA) – "Zgjedhjet Zgjeruese: Politikat Familjare të Përgjegjshme Gjinore për Sektorin Privat në Ballkanin Perëndimor dhe Moldavinë" financuar nga Agjencia Austriake për Zhvillim (ADA) në vlerë prej 20,000€.

Shuma totale që pritet të shpërndahet gjatë këtij raundi është 160,000€.

## MADHËSIA, LLOJET DHE KOHËZGJATJA E GRANTEVE

Në tabelën më poshtë janë të përshkruara llojet dhe kategoritë e granteve të cilave do t'u jepet prioritet për financim në bazë të Strategjisë së RrGK për vitet 2019-2022.

| Fushat programatike të Strategjisë së RrGK                                                                                                                                                                                  | Shuma maksimale për grant | # i granteve të parashikuara | Shuma e përafërt për fusha | Donatori                       |
|-----------------------------------------------------------------------------------------------------------------------------------------------------------------------------------------------------------------------------|---------------------------|------------------------------|----------------------------|--------------------------------|
| • <b>Gratë në politikë dhe vendimmarrje</b>                                                                                                                                                                                 | 5,000€                    | 18                           | 90,000€                    | Zyra e BE në Kosovë            |
| • <b>Fuqizimi i lëvizjes feministe në Kosovë</b><br>• <b>Të drejtat e grave në kujdesin shëndetësor</b><br>• <b>Jeta pa dhunë me bazë gjinore</b><br>• <b>Përmirësimi i qasjes në edukim cilësor dhe të ndjeshëm gjinor</b> | 5,000€                    | 10                           | 50,000€                    | ADA me bashkë-financim të Sida |
| • <b>Fuqizimi Ekonomik i Grave</b>                                                                                                                                                                                          | 5,000€                    | 4                            | 20,000€                    | UNFPA financuar nga ADA        |

Projektet pritet të fillojnë rreth 1 shtatorit 2021 dhe mund të zgjasin maksimalisht deri në dymbëdhjetë (12) muaj, nga momenti i nënshkrimit të kontratës. RrGK rezervon të drejtën të financojë disa apo asnjë nga aplikacionet e paraqitura, si dhe të diskutojë me organizatat aplikuese alokimin e aktiviteteve sipas nevojës duke mos dalur jashtë kategorive të lartpërmendura. Vendimi final do të mirret nga Komisioni për Vlerësimin e Granteve (KVG) i FGK-së, i cili është përzgjedhur nga organizatat anëtares të RrGK.

## KUSHTET E PËRZGJEDHJES

Organizatat që aplikojnë duhet të përmbushin kushtet e mëposhtme:

1. Të planifikojnë dhe të zbatojnë aktivitete në përputhje me strategjinë e tyre organizative;
2. Të ndërmarrin aktivitete që kontribuojnë në zbatimin e Strategjisë së RrGK-së 2019-2022, që përfshinë programet në vazhdim:
  - o Fuqizimi i lëvizjes feministe në Kosovë;
  - o Gratë në politikë dhe vendimmarrje;
  - o Të drejtat e grave në kujdesin shëndetësor;
  - o Jeta pa dhunë me bazë gjinore;
  - o Fuqizimi ekonomik i grave;
  - o Përmirësimi i qasjes në edukim cilësor dhe të ndjeshëm gjinor.
3. Të sigurojnë 10% të kostos totale të projektit nga ndonjë donator tjetër apo vetëkontribut (p.sh. punën vullnetare të dokumentuar). Shuma e 10% duhet të pasqyrohet në buxhetin e propozuar;
4. Nuk duhet të ketë anëtare të stafit që janë aktualisht pjesë e bordit të RrGK, ose pjesë e KVG-së.

KVG do t'ju japë prioritet për financim:

- Anëtareve të RrGK-së;
- Iniciativave avokuese për të sjellë ndryshime afatgjata në përkrahjen, mbrojtjen dhe promovimin e të drejtave të grave dhe barazisë gjinore në nivel lokal dhe/ose qendror;
- Iniciativave që kanë për qëllim të kontribuojnë në arritjen e rezultateve të rëndësishme (p.sh., legjislacion i ri, shërbime të reja të nevojshme, raporte mbi rastet e dhunës me bazë gjinore, raste të monitoruara në gjykata, kurrikula gjinore-transformuese, politika të mira ndaj familjes në ndërmarrjet private etj.);
- Iniciativa që angazhojnë persona me aftësi të ndryshme; grupet etnike të minoriteteve; dhe grupet e marginalizuara;
- Organizatave të cilave ju mungojnë mundësi tjera të sigurimit të fondeve nga donatorë të ndryshëm.

## PROCEDURAT E APLIKIMIT

RrGK do të pranojë aplikacione të shkruara në gjuhën shqipe, serbe dhe angleze. Aplikimet mund të dorëzohen në e-mail adresën: [grants@womensnetwork.org](mailto:grants@womensnetwork.org). Aplikuesit duhet të paraqesin dokumentet e mëposhtme:

1. **Aplikacionin**, duke përdorur formën e aplikimit të RrGK-së (në formatin Word, e bashkangjitur dhe në dispozicion në: [www.womensnetwork.org](http://www.womensnetwork.org)); dhe
  2. **Propozimin e buxhetit**, duke përdorur formën e RrGK-së (në formatin Excel, të bashkangjitur dhe në dispozicion në: [www.womensnetwork.org](http://www.womensnetwork.org));
- Ju lutemi vini re:** të gjitha buxhetet duhet të paraqesin ndarje të shpenzimeve (që do të thotë bashkë-financim nga një tjetër institucion) dhe/ose kontribut jo-financiar (që nënkupton punë vullnetare, kontribute të dhuruara nga bizneset, përfshirja e komunitetit) në vlerë prej 10% të buxhetit të përgjithshëm që është propozuar. Kjo duhet të ceket në buxhetin e propozuar. FGK mund të konsiderojë mbulimin e pagave dhe shpenzimet operative por vetëm në rastet kur aplikuesi të ketë bërë një spjegim të qartë se si mbulimi i tillë do t'ju mundësojë atyre avancimin e të drejtave të grave dhe/ose barazinë gjinore.

Propozimet e paraqitura RrGK-së duhet të jenë punë origjinale që i përkasin vetëm organizatës aplikuese. Plagjiatura do të rezultojë në diskualifikimin nga procesi i vlerësimit të mëtutjeshëm.

RrGK do të mbajë të gjitha materialet dhe dokumentet e dorëzuara nga aplikantët. RrGK nuk do të përdorë informacionin e paraqitur nga aplikantët për qëllime të tjera, përveç shqyrtimit dhe nuk do të ofrojë këtë informacion për persona të tjerë apo institucione, përveç kur kërkohet nga ligjet e Kosovës ose nga donatorët.

Pas dorëzimit të aplikacioneve, organizatat aplikuese do të marrin një letër konfirmimi të pranimit me një numër të aplikimit, të nënshkruar nga stafi i RrGK-së.

## AFATET KOHORE

| Aktiviteti                                                                           | Data                                                                                                                                                                                                                                                                    |
|--------------------------------------------------------------------------------------|-------------------------------------------------------------------------------------------------------------------------------------------------------------------------------------------------------------------------------------------------------------------------|
| Publikim i thirrjes për aplikim                                                      | 11 maj 2021                                                                                                                                                                                                                                                             |
| Sesioni Informues                                                                    | <b>19 maj 2021, 11:30 - 13:30</b><br><b>Vegëza në platformën ZOOM</b><br><a href="https://zoom.us/j/94975078527?pwd=MHIO MnhtUVNZMUpQMmYwaXd2VU1SUT09">https://zoom.us/j/94975078527?pwd=MHIO MnhtUVNZMUpQMmYwaXd2VU1SUT09</a><br>ID: 949 7507 8527<br>Passcode: 098743 |
| Afati i fundit për aplikim                                                           | <b>8 qershor 2021</b>                                                                                                                                                                                                                                                   |
| Data kur pritët publikimi i aplikacioneve të përzgjedhura                            | 31 gusht 2021                                                                                                                                                                                                                                                           |
| Sesioni Orientues, nënshkrimi i kontratave, dhe data kur pritët fillimi i projekteve | 1 shtator 2021                                                                                                                                                                                                                                                          |

## KONTAKTET PËR INFORMATA

Kërkesat për sqarime / informata shitesë: Organizatat aplikuese duhet të dorëzojnë kërkesat e tyre për sqarim përmes e-mailit në [grants@womensnetwork.org](mailto:grants@womensnetwork.org) më së largu deri më **7 qershor 2021 në ora 17:00**.